

Rey Willem-Alexander y Reina Máxima ta bishita e parti Caribense di Reino Hulandes



ORANJESTAD(AAN): Rijks-voorlichtingsdienst a anuncia cu entre 12 di November te cu 21 di November 2013 Su Majestad Rey Willem-Alexander y Reina Máxima a tuma iniciativa pa bishita e seis islanan Caribense di Reino Hulandes. Esaki ta e prome bishita despues di cambio di trono cu a tuma lugar 30 di april 2013. E pareha Royal lo cuminsa su bishita na St. Maarten, sigui pa Saba, St. Eustatius, Bonaire, Curaçao y finalmente nos pais Aruba.

E meta principal di e bishita ta pa tur hende di e seis islanan haya oportunidad di por wak y conoce e pareha Real. Gobernadornan di e paisnan Aruba, Corsou y St. Maarten y tambe gezaghebbers di e 3 islanan BES a worde pidi pa traha un programa pa e dianan cu e pareha Real ta bishita nan isla. Minister R.H.A. Plasterk (Di Asuntonan Interno y Relacionnan di Reino) lo guia e pareha durante su bishita.

Gobernador Refunjol a instala un comision pa organiza e bishita di nos Rey y Reina na Aruba. E comision aki ta consisti di representantenan di e Gabinete di Gobernador y Secretariaat di Consoho di ministranan.

E bishita di e dianan lo ta (cu por cambia ainda): Diamars 12 november ta yegada St. Maarten, Diaranson 13 November ta bishita St. Maarten.

Diahuebs 14 november ta bishita Saba, Diabierna 15 november ta bishita St. Eustatius, Diasabra 16 november ta bishita Bonaire.

Diadomingo 17 November un dia priva.

Dialuna 18 y Diamars 19 November bishita Curacao.

Diaranson 20 y diahuebs 21 november ta bishita Aruba.

Diario. - 11 di september 2013